

偏關志

上冊

偏關志序

方志之作肇於漢繁於唐宋而大集於明清政事則有計簿山川則有圖經士女傳贊之文風俗歲時之記蓋猶是史官成法也顧因體立例比事屬辭必賴有聰強能文學之士而其入又必觀摩於道藪藝林之會要荒之服無聞焉故爲書恆詳於腹地而邊徼爲尤畧大清一統志胥郡國圖書隸之太史尙已然以幽并今地釋兩漢州郡有不能審其因革者矣又况歷年既遠著錄散佚如北朝代都并州諸記今并撰者姓氏而不存是安得爲考據之助哉甲寅之夏不佞旬宣晉北其地括有雲代二郡而牙錯於定襄五原所恃以蔽捍內外者曰三關三關者雁門雷武障其南偏

偏關志

序

一

頭則龍窺其西北尤有勇夫重閉之險溯北漢迄今歷代屹爲重鎮樓堡堞營戍柵隘雖廢圯猶有存者而一問旌符故實道域經緯搢紳之士且難言之儻亦地之生才固若是其獨靳也毋亦更是土者之懵然不加察耶夫自古巖疆邊邑之民質直果敢厥有常德而觸法抵禁鬪暴劫奪之俗時亦與之爲緣得一儒吏馴其獷悍而導以夷易則文教可興也乃置吏者往往反是而世之號爲才吏者亦往往不肯稍就惟左遷及疲老或初從政者始低首降心以往報最不得預祿入不能以自給視事未逾月又戚戚焉以不得去爲憂欲其知民生疾苦風俗移易以及阨塞戶口之要其曷可得均之邑也均之民也而以邊僻之故吏數百年不見有才

智之士而爲吏者又視爲謫斥蠻夷之鄉一旦饑饉洊至或塞外不逞之徒蹈閭煽發奈之何民不愚且盜也今夏浙江林君燕石適宰偏關一見卽知爲溫雅士未幾果以所輯偏關志見遺此固世之號爲才吏所目爲迂闊寡效不欲爲且不暇爲者林君獨毅然爲之是豈得見之於今日者哉或曰志書之作上爲館藏徵信下爲私錄持平凡圖表譜系書傳文徵之例與夫測畫比次校讎訪采之事非可苟焉已也雖曰述之而因述爲作其難尤甚今欲以一二人之力更驟以期月之效將擇焉不精語焉不詳亦奚有取於志然此乃論史法者之恆言而非所敢以責偏關者也偏關建邑自前清雍正始其最初爲吉林胡樓煩地夷狄也進而爲軍爲營

偏關志

序

二

爲關固猶是戎馬之迹也狎與處者躬介胄腰弓矢角觝飲博不諳掌故爲何事明萬歷問其鄉先達盧君承業迺粗有著述然閱數百年終不克布於世林君亟起而理之則寶此塵編斷簡因以爲石室之授於以興彬彬文學之彥是林君之施及於偏民者殆以此志爲乘章之先也况書成道里疆域土宜人物兵馬糧儲之屬已粲然有紀矣後之來者推前賢作述之意動綢繆固圉之思登斯圖也關陰山俯受降城鷓鴣勿絕之藩部固近在肘腋間彼耽耽於其旁者方且謀所以舉軍之而日未有已也若謂門闔洞開天下之勢盡趨於海負隅誠不足以自固又豈予輩之所敢謀者哉中華民國四年歲次乙卯雁門道道尹聊城鄒道沂撰并書

乙卯夏余奉命牧茲土下車以來百端待舉亟思得志乘而參考之詢諸邑人迄無成書嗣於前任移交文卷內得偏關志畧稿本乃前明關紳盧君承業所首創歷經後賢增修而成者也然時閱兩代修經數手其間體例錯雜叙次無倫又輾轉傳抄魯魚亥豕郭公夏五不一而足苦無暇以整理之會浙江王君純賦來遊偏邑乃商之王君重加校訂分別部居汰削蕪累正其謬訛補其疎脫閱三月而蕪事鳴乎古者誦訓諸事輟軒采風麟經載筆得自寶書龍準入關端資圖籍志乘可缺乎哉偏關自有明以來五百年矣區區志畧猶未成書人文之彫敝財力之艱窘亦大可見矣提封萬戶文獻無徵豈惟邦人之不幸抑亦有土者之羞也脫更數百

偏關志

五

一

年并此蟲殘之餘亦與兵燹燼塵而共燼將何以慰作者於地下應徵求於他日乎况其山川之表裏環拱營保之星羅棋布風俗之樸實勤儉人物之發強剛毅皆斯土獨有之精神豈可以其僻在邊垂令其久湮沒乎哉既成將付梓人偏關山童無其材不獲已付活板部捐俸錢如千千或曰子能竟前人未竟之志則余豈敢雖然此其嚆矢也有踵而行之者是所望於後之君子乙卯冬日署偏關縣事浙江林端

偏關志序

偏關舊無志蓋以地鄰蒙古文獻不足故也明初兵憲駐嵐代本關置中官總鎮中官不諳典故武人不喜文墨兵憲時往時來日鞅掌疆圉不遑故此典久缺耳萬曆癸卯歲鄉貢盧君承業念此典不可終缺乃披搜往籍以志建置述父老遺言以志事蹟詳物土之宜以志土產列今昔之賢以志人物凡諸兵馬錢糧邊隘烽墩之類悉爲臚列雖不無遺漏然亦不至荒唐期年稿成欲付剞劂計工本之費實繁盧君不能獨任當事者又不能代謀故中止既而盧君筮仕樞曹以其稿貽博士王君芝維時王君欲竟厥事者復不果未幾王君病盡以遺稿屬余且戒之曰志地方之重

偏關志

序

一

典須謹藏之後之有志治理者或不忍此典久缺如舉修子必與焉守此以待之可也順治壬辰歲三韓王公諱言備兵茲土詢及關志關人所未成對公愕然乃索遺稿集儒生繕會所酌工本之多寡冀定久缺之典苦費無所出復寢關人士僉嘆惜以爲本關終無志矣本關志終不可成矣越數祀府丞錢公來明年兵憲朱公來二公加意民瘼凡有裨地方之事知無不爲興衰補弊善政難以更述諸生僉謀曰志可修矣乃進稿以請二公喜爲地方成美僉曰可錢公披閱遺稿詳爲更正令諸生中稍知掌故者六人相與載筆其間公日課其功復加讎校凡字或魯魚文或謬訛者一一與修志諸生面訂且命所官置印簿捐俸金以給餽粥撥所役以

供使令取各屬册籍以備采輯諸生仰承意旨參之晉省之通志三關之圖籍再加折衷複者刪之闕者補之不兩月而綱舉目張將繕寫以進思二公爲地方之德洵深且遠敢以俚言序其事夫偏關爲西北要害地昔人論之詳矣三關志但志形勝餘未及也茲志成非獨道里疆域土宜人物兵馬糧儲披卷畢見也覽疆域志則思所以保障之覽人物志則思所以培養之覽風俗志則思何以移易之覽糧儲志則思何以備豫之觀感興起端在是矣闕名

偏關志

序

二

偏關志後序

自天下勿復以結繩治於是書契代興若疇範訓誥風詩圖籍凡有關政教者莫不著有成帙用以參稽治化漢高始入關鄴侯亟收圖籍舉天下戶口物土之宜咸曉然於心目間越曆逮宋纂修治籍者日益廣至有明英廟時遍採天下郡邑圖籍命儒臣修一統志猶是參稽治化之意也迄今天下郡邑咸有志書獨偏頭關以極邊遠塞此典久缺萬曆癸卯歲兵憲李公念偏關迺三關首鎮全晉衝藩使志典無稽則蒞此封疆者何所考證以資保障耶於是命本關孝廉盧君承業屬稿既定而李公以讜直不阿卦冠去盧孝廉亦箴仕京曹及解組歸遘闖逆之變遂至中輟止遺

偏關志

序

一

偏關志畧一册授其孫庠生一鰲皇清順治壬辰歲兵憲王公備兵茲土乃索遺稿計工本之費未幾王公望誤復不果梓越數祀兵憲朱公來見所屬郡邑各以志書陳而關志獨缺乃慨然集諸生盧君一鰲史君評劉君報君張君盛明賈君謹賢炎等六人分類修纂計五越月而蕙事會朱公以遷西蜀去繼其事者府丞錢公未幾錢公亦以遷長沙去竟未獲梓嗟夫此志豈終無成帙之日也耶炎謹封藏此稿於笥以俟後之官斯土者或亦有心三公之心事三公之事者則此志終有成帙之日也夫康熙甲寅春正月望歲進士劉炎謹識

校訂凡例

一此志爲明儒盧君承業屬稿原名偏關志畧清初增修亦仍舊名蓋自有明以來偏關置衛所清初因之至雍正三年始改爲縣其間掌故屬明者十之七屬清者十之三若以縣名則與衛所經制不合故仍名偏關志

一地志所載邊隘營保烽墩之屬改縣後往往有他隸者此則今昔廢置不同閱者須分別觀之

一此志自清道光間縣令馬君振文增修後無廢續者約計始末蓋自有明洪武起及清嘉道而止又其間脫漏尙多補遺繼往所望於後

偏關志

凡例

一

之君子

一名宦人物兩志苦於一時無從徵求事蹟負次良深清初姜瓖之變本關遺民思乘此以復明祚多響應者及事敗而大司馬萬氏子孫受禍尤烈編者諱言之然此事在清爲叛亂而在明則爲忠義豈可常此湮沒乎邦人君子有能采訪補輯者當馨香祝之

一原稿輾轉傳抄脫外頗甚姑就所及見者略加修訂其他沿謬襲誤處知所不免方聞大雅幸是正焉

編纂姓氏

明山西岢嵐道李從心 鑒定

本關鄉進士盧承業 編畧

清山西岢嵐道朱之瑤

鑒定

西路管糧太 原府同知 錢奇嗣

本關歲進士史 評

劉 炎

庠生盧一鰲

劉報君

偏關志

編纂姓氏

一

張盛明

買 謹 分編

西路管糧太 原府同知 卞永康 增修

江寧府庠生姪 巖 校字

署偏關縣事馬振文 增修

偏關志目錄

地理志 輿圖附

星野 建置 疆域 邊隘 烽墩 山川 津梁 井泉 古蹟

城池 保寨 郵莊 公署 廟祀 寺觀 祠墓 樓臺 風土

學校志

田賦志

兵馬志

職官志

名宦志

偏關志 目錄


人物志

鄉賢 忠義 孝友 耆德 節烈

藝文志

志餘

# 縣治圖



龍泉寺

先農殿  
白衣殿

龍泉寺

皇廟

三官廟

大神廟

馬王廟

真武廟

呂祖廟

舊同知署

水陸殿

東門

神機庫

學署

文廟

縣署

鼓樓

舊同知署

誥義廟

龍王廟

藥王廟

武廟  
會院

高小學校

文昌廟

文昌閣

文廟

藥王廟

田家府署

縣署

大筆

樓臺

隆崗寺

南門

河神廟

王廟

天壇

教場



玉法真境




暖泉名川



金山駝沙伏



石沼曲龍



文筆凌霄

